

ORATIO
AD
SERENISSIMVM
AC POTENTIS.
SIMVM PRIN.
CIPEM
FRIDERICVM
REGEM BO-
HEMIAE.

Auctore
MARTINO OPITIO
SILESIO.

Typis GOTTHARDI
VOEGELINI.



ORATIO AD FRIDERICVM REGEM BOHEMIAE.



V A M V I S , Rex Serenissime , speratus iste
tuus in hæc regna ingressus publicâ & to-
tius orbis Christiani lætitia celebrari me-
reatur : tamen nos potissimum , quos tam cle-
menter in sinum tuum recepisti , absque
summo scelere tacere non posse arbitra-
muri . Neque credo , ullum inter nos tam desperatæ natu-
ræ , tam aversum à studio pacis , tam infensum saluti patriæ
esse , qui optatam electionem tuam ipsi cœlo non impu-
tet , & opus hoc Dei gratâ mente agnoscat . Videbantur
quidem te eximiae virtutes tuæ , suffragia maximæ Imperij
partis , tot regum ac principum amicitiæ , & fatalis quæ-
dam harum regionum erga te inclinatio ad fastigium hoc
ducere : deplorandi tamen statûs nostri conditione moti ,
te ipsum quoque tam invidiosum honore detrectaturum
non pauci existimabant . Nunc supremus ille arbiter , qui
corda regum in manu habet , inclinatum alias ad clemen-
tiā animum tuum direxit , & tibi quidem nos afflictos
pupillos , nobis verò te tutorem ac parentem afflavit : quo
an illustrior vñquam fuetit , nescio ; digniorem certè secu-
lum hoc non invenit . Sive enim antiquissimam familiam
tuam , sive vitam spectemus ; illius splendorem omnes hi-
storiæ , omnia annalium monumenta loquuntur : tantas
autem virtutes Deus immortalis in te congesit , ut niū
tam regale genus ortum tuum vendicaret , ius solis sceptra